Thursday
And crystmas day on thursday be
A wondyr wynter shall we see
Of wondyrs and of wethyrs whike
And hard tempest tronge and thyke
The somer shall be goode and drye
Corne and bestys shall multiplye
That yere is goode londe to tylle
Kynges & prynces shall dey be skylle
what shylde that day borne be
he shall haue happe welle to the
Of dedys he shall be goode & stabile
Of speche wyse & of tonge resonabille
who so þr day beste be a-bowte
he shall be shent w'towten dowte
And yf sykenesse þr day be-fylle
hyl shall nott long w't þel dwelle

Fryday
And crystmas day on fryday be
The furst of wynter shall hard be
w'es frost snow and w'es fold
But þe lattyr ende shall be goode
The soner fayer & goode also
Old folke schall haue grete who
women & childryn bestys & cornn
Shuld multiplye and nonn be for-lornn
The child þ day
Shall lyffe longe lecherus lay
who so stelys owght he shall be fownde
If þel be seke yt lastys not longe
And Christmas day onn Saturday falle
That wynter may we dreden alle
hyt shall be soo full of tempest
hyt shall grewe bope man & best
Frutys and corre shall faylle grette
And olde folke dye many y you hete
what woman þþ day childe travelle
They shall be bope in grette parelle
And what chylde be born þþ day
w-in halfe age shall dye perfay
The somer shall be wette & ylle
If þþ oght stele hyt wylle þe spylle
That day if þþ take sekenesse
Now have ye hard bope more & lasse
Destenyng of many dyers materys
Of chyldys byrthe & tynyng of yerys
And mekylle of manmys desteny
Alle to-gedyr sothe fynde shall ye
And namely þis mater j-wis
That by þe byrthe of cryste prevyd ys
For yf w<1 char>e fynde hyt nott in þys londe alle
In other londys yt may be-falle
And thorow þis world j vndyrstonde
Sumwhatte may falle in euery londe

Explicit

An Hare in hys forme
Is sholdryng or lenyng
A downe sittethe
An herte is bee herbored
A knyght is herbored
a Bucke is logged
a Squier is logged
a Roo is bedded
a yoman is bedded
If an herte stande
he stalkethe
If a Bucke stande
he herkenythe
If a Roo stonde
he ferech
a Dere broken
a Goos reryd
a Swann lyste
a Capoun sawsyd
a hen spoyled
a Shekyn frusshed
a Malard vnbrased
a Cony vnlaced
a Pecok dysfuguryd
a heron dysmembryd
a Crane dysplayd
a Curl.<add>e</add>w vnyoynted
a Bittore vntached